

Inovasi Memudahkan Sistem Pendaftaran

Oleh: Nor Hafizah Hanis Abdullah & Nurulzatushima Abdul Karim

Diinspirasi oleh kesulitan yang sering dihadapi oleh para peserta dan juga penganjur semasa proses pendaftaran untuk sesuatu program yang dilaksanakan dip peringkat jabatan, maka KIK FKA yang diwakili oleh kumpulan Craggy telah mengambil inisiatif tersendiri dengan menghasilkan satu sistem pendaftaran peserta secara automatik berdasarkan teknik RFID (*Radio Frequency Identification*). Sistem ini dijalankan secara atas talian dan memanfaatkan penggunaan kad staf secara lebih menyeluruh. Semasa proses 'clock in' dan 'clock out', para peserta hanya memerlukan masa kurang daripada 3 saat untuk mengimbas kad staf atau kad RFID bagi menyempurnakan log kehadiran peserta. Hasilnya, Craggy telah berjaya meraih Naib Johan di Mini Konvensyen KIK peringkat UITM Cawangan Pulau Pinang pada 8 Ogos 2019 dan merangkul Anugerah Dokumentasi Terbaik, Anugerah Kumpulan Istiqomah KIK dan Anugerah Pembentang Wanita Terbaik (Puan Nurulzatushima Abdul Karim). Seterusnya, Craggy juga berjaya merebut Anugerah KIK Primer Terbaik Bidang Inovasi Pengurusan, Anugerah KIK Primer Terbaik Bidang Inovasi Pengurusan (Kategori Penambahbaikan) dan Anugerah Fasilitator Terbaik (En Mohd Azuan Tukiari) di Pertandingan KIK Peringkat Zon Utara yang diadakan pada 4 September 2019. Kumpulan ini diketuai oleh En Md Rasul Mohd Nor dan dianggotai oleh En Mohamad Samsudin Abdul Hamid, En Ahmad Syauqi Md Hassan, En Fairus Azwan Azizan, Dr Siti Hafizan Hassan, Pn Nurulzatushima Abdul Karim dan Pn Nor Hafizah Hanis Abdullah.

